



Jumat, 27 Mei 2022

Siman Ogen : 2 Petrus 3: 9



Tuhan Ngelakoken Si ipadankenNa



\\ Aku menunggu kedatangan Yesus kembali". Eme si timai-timai perpulungen Petrus i bas paksa e janah i bas paksa kita gundari enda. Si menarik eme lit kelompok singerana: "Ma kin erpadan Tuhan reh? Ija dage Ia" (2 Pet.3:4a). Petrus ndilo kalak e selaku "pengejek-pengejek". Tapi ise kin kalak enda? Kalak si la tek man Jesus? Lang, justru sebaliknya, kalak enda eme kalak-kalak si tek tapi kepeken mengejek kai si itekina sedekah enda. Ibaratna, kalak si mbarenda jadi pejuang-pejuang iman gundari salih jadi penikam iman. Kai maka banci si enda jadi? Erkiteken nggo ndekahsa nimai! Kita kerina pasti setuju adi masalah nimai eme masalah si la sedap guna ngelakokensa. Nimai rehna dahin, nimai rehna permian ntah kela, nimai rehna kempu seh ku nimai kerehen Tuhan Jesus mulihi. Kasakai nari dekahna? 1 tahun? 3 tahun? 5 tahun? Nimai eme sesuatu si langa ieteh digan waktuna reh janah jelas erbansa lanai siakap sedap nari. Tapi berita si meriahna wari enda eme: Tuhan la kap melet ngelakoken kai si enggo ipadankenNa, bagi lit kalak si erpengakap bage. Tapi saber Ia nandangi kam, sabap la ateNa sekalak pe ikerneppen, tapi gelah kerina min jera i bas dosa-dosana nari. Kai maksudna? Payo tuhu maka kita i bas proses nimai, tapi si jadi penungkunen eme labo, "Ndigan? Katawari? tapi kai si arus silakoken tupung kita nimai? Adi Tuhan reh pagi, nggo nge kita siap? Yakin nggo siap?

Si jelas eme: maka labo pernah sieteh ndigan waktuna Tuhan reh mulihi. Sada ngenca, maka kita tetap ibere kesempatan guna mpesikap dirinta ras mpersiapkan dirinta i bas ngalo-ngalo kerehenNa pagin. Kalak sideban banci saja megati lupa nandangi padanna man banta tapi adi Tuhan labo pernah bage. Ia tetap menepati padanNa. Tupung ia nadingken doni enda, nangkih ku surga, maka padanNa maka reh me Kesah Si Badia si jadi penampat man ajar-ajar. Payo nge la itepatiNa? Lang, justru teridah ibas kesaksian Pustaka, maka Kesah Si Badia e reh ku ajar-ajarNa. Emaka tetap paguh i bas padan Tuhan.



☞ Tuhan tetap nepati janjiNa, teklah